

CUNVIGNE Il plurilinguism veicul di imprenditorialità

"Imparâ plui lenghis par imparâ un lengaç comun". Al è il titul de cunvigne che si è davuelte ai 27 di Setembar tal liceu "Catarine Percude" di Udin organizât dal Centri internazionâl pal plurilinguism (Cip) de Universitât di Udin e de Associazion nazionâl insegnants lenghis forestis dal Friûl Vignesie Julie

(Anils Fvj). Si è tratât de zornade conclusive dal progjet speciâl "Il plurilinguism: veicul di culture e di imprenditorialità", promovût di Cip e Anils Fvj e finanziât de Region, che al à cjapât dentry students di cinc scuelis regionâls: l'Isis "Dante Alighieri" di Gurize, l'"Einaudi" di Palme, l'istitut "Don Bosco" di Pordenon e i liceus "Preseren" di Triest e "Percude" di Udin. Dilunc de cunvigne i students, in presince dai rapresentants di aziendis internazionâls tant che Eurotech e Illy caffè, a àn presentât i lôr prôgjets indreçâts a fâ cognossi la realtât multilengâl dal Friûl - VJ e i lôr contats cun scuelis di altris Paîs.